

جریدہ علیہ

مشیتِ جلیلہ، اسلامیہ نمک، جریدہ، رسیہ سیدر

اوائل صفر ۱۳۳۳

عدو: ۸

آیدہ بر نشرِ اولنور

برجی سنہ

تصدیق بیک غروشه قدر اون واون بیک غروشه قدر یکرمی ویوقاریسی ایچون اوتوز غروش آلمسی واهالینک التزامات ایچون ویره جکلری کفالت متسلسله سند اتنده کی متعدد امضالارک برامضا حکمنده طوتمسی موافق مصلحت اوله جنی واولبایده کی کاتب العدل نظامنامه سنده توفیق معامله ایدلش اوله جنی مطالعه قلمش اولدیغندن تنسیب بیورلدیغی تقدیرده اولوجهله ایفای معامله اولنسی تذکر ایدلدی اولبایده

*
* *

« مصارف محاکمه و اجرت وکالته دائر »

مصارف محاکمه حقنده مدعی طرفندن طلب و دعوی سبقت ایتدیکی صورتده مصارف محاکمه مقدارینک حکمنده ذکر و اجرت وکالته دائر در دست تنظیم اولان خرج قانونی لایحه سنه بر ماده درج اولدیغندن نشرینه دکین وکیلک اجر مثله مساوی اوله رق دعوانک تحمله کوره بهر جلسه محاکمه ایچون اون غروش دن الی غروشه قدر و خصوصی اولان وکالت خرجلرینک مصارف محاکمه یه ادخال و آنحق ویریلان حکم شرعی و تنسیب مرعیدن صکره مصارف محاکمه اولان جمعاً شوقدر غروشکده « اول امرده مدعیدن » و یا خود « مدعی علیه مراجعت ایتک اوزره مدعیدن اخذ واستیفای اقتضا ایلدیکی » دیو علاوه سی مناسب اولدیغندن اولوجهله و خصم هرکیم اولورسه اولسون مصارف محاکمه حقنده اولبایده کی ماده قانونیه موجبجه معامله ایدلسنک جواباً امر و اشعار بیورلمسی تذکر ایدلدی اولبایده .

—

تلیفات مخصوصه

مدینه منوره قاضیلکنه شرف کشیده بیوریلان ۱۸ ذی القعدة ۱۳۳۲ تفرافنامه عالی مشیختیناهی صورتیدر: جناب حافظ حقیقینک بالعموم مسلمینی هر درلو آلام و مصائبدن صیانت و عالم اسلامی هر بر خصوصه نائل فوز و سلامت بیورمسی ایچون در سعادت جوامع شریفه سنده ادای صلاتی متعاقب ادعیه مأثوره رفع بارکاه احدیت قلمنقده و صاحبین بخاری شریف وایکندیدن صکره مسلم شریف قرائت ایدلکنده اولوب حجاج کرام جانبندن ده بالعموم مسلمانلارک صون صمدانی به مظهریت و اسلامیتک تعالی شان و شوکتی نیازی ایصال درکاه الوهیت وعودت لرنده کرک کندیلری کرک مملکت لرنده کی دین قرنداشلری طرفندن

بو ادعیه پاکیزه به مواظبت ایدلسی خصوصنک توصیه سی واوراجده بخاری و مسلم شریف قرائته مداومت اولنسی محافظتله مفتی اقدیلره یازلمش اولدیغدن مفتی اقدیلره مذاکره اولنهرق بوباده کی مساعیرینک رهین موفقیت اولسی ایچون طرف فاضلانهرلرندن ده اقدامات لازمه ده بولنلسی و تشبثات و نتایجندن پی در پی معلومات ویرلسی هم کریمانه لرندن منتظر در .

*
**

مکه مکرمه امارت و شیخ الحرم حضرت نبوی مشیخت جلیله لرله حجاز ولایت علیه سته، مدینه منوره عاقلقلنه و مدینه طاهره مفتیلری اقدیلره شرف کشیده بیوریلان ۱۵ ذی الحجّه ۱۳۳۲ تاریخی تلفرافنامه عالی مشیختپناهی صورتیدر :

دین مبین اسلامک حافظ حقیقیسی اولان جناب قادر قیومک بالعموم مسلمینی هر درلو آلام و مصائبدن صیانت و عالم اسلامی هر بر خصوصده نائل فوز و سلامت بیورمسی ایچون در سعادت جوامع شریفه سنده ادای صلاتی متعاقب ادعیه مأثوره رفع بارگاه احدیت قلمقده و صباحین بخاری شریف وایکندیدن صکره مسلم شریف قرائت ایدلمکده اولوب کعبه معظمه یی طواف ایلمک و روضه مطهره فخر الانبیاه یوز سورمک سعادتلریله عند الهیده بر موقع مخصوص احراز ایلان حجاج کرام جانبندن بالعموم مسلمانلرک صون صمدانی به مظهریتی و اسلامیتک تعالی شان و شوکتی نیازی ایصال درگاه الوهیت وعودتلرنده کرک کندیلری کرک مملکتلرنده کی دین قرداشلری طرفندن بو ادعیه پاکیزه به مواظبت ایدلسی خصوصنک توصیه سی واوراجده بخاری و مسلم شریف قرائته دوام اولنسی صورت مخصوصده « رجا » و تمنی اولنور . « اقدام »

*
**

مکه مکرمه مفتیلری اقدیلره شرف کشیده بیوریلان ۱۶ ذی الحجّه ۱۳۳۲ تاریخی تلفرافنامه عالی مشیختپناهی صورتیدر

دین مبین اسلامک حافظ حقیقیسی اولان جناب قادر و قیومک بالعموم مسلمینی هر درلو آلام و مصائبدن صیانت و عالم اسلامی هر بر خصوصده نائل فوز و سلامت بیورمسی ایچون در سعادت جوامع شریفه سنده ادای صلاتی متعاقب ادعیه مأثوره رفع بارگاه احدیت قلمقده و صباحین بخاری شریف وایکندیدن صکره مسلم شریف قرائت ایدلمکده اولوب کعبه معظمه یی طواف ایلمک و روضه مطهره فخر الانبیاه یوز سورمک سعادتلریله عند الهیده بر موقع مخصوص احراز ایلان حجاج کرام جانبندن بالعموم مسلمانلرک صون صمدانی به مظهریتی و اسلامیتک تعالی شان و شوکتی نیازی ایصال درگاه الوهیت وعودتلرنده

کړک کنديلری کړک ملکترنده کی دین قرنداشلری طرفدن بو ادعیه پا کیزه مواظبت ایدلسی خصوصنک توصیه سی واوراجده بخاری و مسلم شریف قرائته مداومت اولنسی -نصوصی امارت جلیله دن رجا ایدلش اولمغه جانب عالی امارتن بو باده مصروف بیوریه جفی درکار اولان همتات مشکوره یه مساعی مدوحه فاضلانهرینک ده انضمامی صورت مخصوصه ده متمنادر .

*
* *

« خارجه بولنان بعض مفتی افندیلره تطییر بیوریان تحریرات علیه صورتیدر »

تاریخک شهادت عادل سیله ثابت بولندی اوزره اسلامیتک عدوجانی و مسلمینک دشمن بی امانی اولان روسیه و حکومت مذکوره نک آمال ردیه و سیاست شنیعه سنه اشتراک ایدن انکلتره و فرانسه حکومتلریله معین و ظهیرلرینک اشغال ایدلکری آتش جنک وجدالک الک دلسوز شراره لرینی قلبکاه امت محمده صاحب حق و عالم اسلامک نقطه استنادی تشکیل ایدن خلافت مبعله اسلامییه یی صارصمق غایه امللری اولمسیله حکومت سنییه قارشى بحر آ و بر آ نا کهانی هجوم و وصولتله اظهار مافی الضمیر ایلش اولدقنلرندن اسلامیتک حیات جاودانیسنه تعلق ایدن تشبثلرینک عقیم بر اقلمسی وعون حقله سطوت و شوکت اسلامک تعالیسنه خدمت ایدلسی ایچون فقیر عام صورتیله کافه مسلمینه بدنأ و مالا ترتب ایدن فریضه جهادی مین فتاواى شریفه نک صورتلری لغأ طرف فاضلانهرینه تسایر قلمشدر . فتاواى شریفه مذکوره ایله مسلمینک دعوت ایدلدیکی جهاد اسلامیتک عدوی اولان وعداوتلرینی مقام خلافت اسلامییه هجوم و وصولتلیله اظهار و اثبات ایلان حکومت مذکوره یه قارشى اولوب حکومت سنییه ایله بینلرنده کی عهدده رعایت و ابراز آثار مودت ایلان دول سائر تبعلریله متقابلاً حسن معاشرت اسلامک شعار عدل و مسالمتی ایجابندن بولمشدر نزد فاضلانهرنده اهمیت و ارسته ایضاح بولنان بو جهاد علویده عهده لرینه ترتب ایدن وظائفی ایفاده ذره قدر تراخی کوستر ماملری وجوبی درکار بولنمسیله بالعموم مسلمینک فتاواى شریفه مذکوره حکم منیفه توفیقاً بدنأ و مالا جهاده مسارعت و عکس حاله توجه ایده جک معصیت شدیدنه دن بجانب ایدرک دنیا و آخرته مسعود و کامیاب اولمغه غیرت ایللری ضمتنده اقتضای حالک اجراسنه همت بیورملری مفطور بولندقلری حیت دیدنه دن کمال اهمیتله منتظر بولندیغنک بیانی سیاقده ... اولندی .

*
* *

مدینه منورهده تقيبالاشرف وشافعي مفتيسي علوى بافقيه افندى به شرف كشيده بيوريلان ۱۱ محرم ۱۳۳۳
تاريخي تلغرافنامه عالي مشيختنهاى صورتيد:

جهاده مع الاولاد مسارعت خصوصنده كوستريلن فرط حيت وديانت من كل الوجوه
سزاوار تقدير وتبريك اولوب وكرده موفقيت ودارينده سعادتلرى دعاسى تكرار
قلمش واوچ ماه ماذونيتلرى تنسيب اولنه رق آرزو ايديله جك محله قدر اولاد كريمانه لريله
برابر مجاناً ومعزراً نقللرى حجاز تيمور يولى ايشلتمه مديريتته تبليغ اولتمشدر .

*
* *

بخارى شريف تلاوتى حقنده بعض مقتيلكره كشيده بيوريلان تلغرافنامه
عالي صورتيدر .

فيوضات بالا ترينى مسعدت بخش قلوب مؤمنين اولان بخارى شريفك حرمين
محترمينده ودارالحلافده تلاوتيله عالم اسلام ايچون توفيقات جليله صمدانيه ومدد روحانيت
نسويه نياز ايدلكده اولدينى وبو وظيفه مجله نك ايفاسنه اورا علمائى كرامنكده
اشتراكلرى وجائبدين بولندينى جهته آيده... [*] ختم ايدلك اوزره هان بخارى شريف
تلاوته مباشرت ايدلسى ضمنتده احباب حالك مسارعة اجراسى وهرخم شريفى متعاقب
تلغرافله معلومات اعطاسى هم فاضلانله لرندن منتظردر .

بليغات عموميه

« كتب فقهيهده ومجلدهده صحت عقود دائر بيان اولن شروطه وكاتب عدل قانوننده معين اصول وشرايطه موافق »
« صورتهده كاتب عدل ومعاونلرى طرفندن تنظيم اولنه حق سندات ومقاولاتك محاكم شرعيهجه قبولي حقنده »

كاتب عدل ومعاونلرى طرفندن كاتب عدل قانونيله تعيين ايديلن شرائط وقواعده
توفقاً تنظيم واعطا ايديلن اوراق وسنداتك وتخصيص وكالنامهلر محاكم شرعيهجه
قبول ايدلمه مكد اولدينى اصحابك مراجعت وشكايترلندن اكلا شلمقده اولدينى استابول
وبك اوغلى كاتب عدللرى طرفندن مشتركاً معطى تقريرده افاده اولندينى بيانيله اجراي
ايجابنه دائر عدليه نظارت جليله سندن وارد ولان تذكره مجلس تدقيقات شرعيهيه
لدى الحواله كتب فقهيه ومجلدهده صحت عقود دائر بيان اولن شروطه وكاتب عدل
قانوننده معين اصول وشرايطه موافق صورتهده تنظيم ايدلمش اولان سندات ومقاولاتك
برموجب قانون محاكم شرعيهجهده قبولي لازم كله جكنك تعميماً قضاه اشعارى افاده

[*] آيده يوز يكرمى ختم اعتباريله وقوعبولان تقسيمده اصابت ايدن عدد اشعار ايدلشد .